



Broj: 11-16.6-1342-8/15

Datum: 15.04.2015. godine

Na temelju člana 64. stav (1) tačka b) i člana 70. stava (1), (3) i (6) Zakona o javnim nabavkama Bosne i Hercegovine („Sl. glasnik BiH“, broj 39/14), a na preporuku Komisije za javnu nabavku u skladu sa Zapisnikom o ocjeni konačnih ponuda broj: 11-16.6-1342-7/15 od 09.04.2015. godine, u postupku javne nabavke robe: Dijelovi za HPLC, proizvođač Shimadzu, putem prgovaračkog postupka bez objave obavještenja, direktor Agencije za lijekove i medicinska sredstva Bosne i Hercegovine d o n o s i

### **ODLUKU o izboru najpovoljnijeg ponuđača**

#### Član 1.

Prihvata se preporuka Komisije za javne nabavke u skladu sa Zapisnikom o ocjeni konačnih ponuda broj: 11-16.6-1342-7/15 od 09.04.2015. godine, te se ugovor za javnu nabavku robe: Dijelovi za HPLC, proizvođač Shimadzu dodjeljuje ponuđaču Shimadzu d.o.o., Ul. Tešanjka br. 12, 71 000 Sarajevo, ID broj 4200419780000, za ponudenu cijenu od 1.510,50 KM bez PDV-a, odnosno 1.767,29 sa PDV-om, kao najbolje ocijenjenom ponuđaču.

#### Član 2.

Prijedlog ugovora o nabavi dostavit će se na potpis izabranom ponuđaču Shimadzu d.o.o. Sarajevo, po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

#### Član 3.

Za izvršenje ove odluke zadužuje se i ovlašćuje Sektor za farmaceutsko-hemijsku kontrolu kvaliteta lijeka.

#### Član 4.

Ova odluka objavit će se na web-stranici [www.almbih.gov.ba](http://www.almbih.gov.ba) istovremeno s upućivanjem iste ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

#### Član 5.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-16.6-1342-1/15 od 12.03.2015 godine. Javna nabavka je provedena pregovaračkim postupkom bez objave obavještenja. Upućen je poziv dobavljaču "Shimadzu" d.o.o. Sarajevo, kao jedinom ponuđaču koji može da ispunjava tražene uslove u skladu sa članom 21. tačka c) i članom 22. tačka b) Zakona o javnim nabavkama Bosne i Hercegovine. Procijenjena vrijednost javne nabavke bez PDV-a je 1.590,00 KM (slovima: hiljadupetstotina devedeset KM).

Komisija za javnu nabavku imenovana je Odlukom broj: 11-16.6-1342-2/15 od 12.03.2015. godine.

U toku pregovora, 08.04.2015. godine, na osnovu dostavljene ponude, Komisija je sa ponuđačem uspostavila i razjasnila uslove ugovora: tehničke, ekonomske, pravne i druge aspekte ugovora s ciljem postizanja ekonomski najpovoljnije ponude za ugovorni organ. Dogovoreno je da ponuđač dostavi konačnu ponudu sa popustom od 5% u odnosu na početnu inicijalnu ponudu – Aneks 3, broj dokumenta: 3400000141 od 27.03.2015. godine koja je iznosila 1.590,00 KM bez PDV-a, odnosno 1.860,30 KM sa PDV-om i istu dostavi do 09.04.2015. godine do 12 sati na adresu Maršala Tita broj 9, Agencija za lijekove i medicinska sredstva Bosne i Hercegovine.

Komisija je konstatovala da je ponuđač Shimadzu d.o.o. Sarajevo, na vrijeme dostavio konačnu ponudu i u skladu sa postignutim dogovorima, odnosno da je konačna ponuda niža u odnosu na početnu u iznosu od 79,50 KM (5%) i iznosi 1.510,50 KM bez PDV-a, odnosno 1.767,29 sa PDV-om i da je to ujedno i najniža ponuđena cijena.

Komisija za javnu nabavku dostavila je Zapisnik o ocjeni konačnih ponuda broj: 11-16.6-1342-7/15 od 09.04.2015. godine, sa izvještajem o ocjeni ponuda i preporukom o izboru najpovoljnijeg ponuđača, u postupku javne nabavke robe: Dijelovi za HPLC, proizvođač Shimadzu.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće: da je ukupan broj pristiglih ponuda 1 (jedan), da je blagovremeno zaprimljena jedna ponuda i da je ponuda ponuđača Shimadzu d.o.o. Sarajevo prihvatljiva.

### RANG-LISTA OCIJENJENIH PONUDA

Red. broj	Naziv ponuđača	bez PDV-a (KM)	Sa PDV-om (KM)	Broj bodova
	Najpovoljniji uslovi	1.510,50	1.767,29	100,00
1	SHIMADZU d.o.o. Sarajevo	<b>1.510,50</b>	<b>1.767,29</b>	<b>100,00</b>

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu pristigle ponude, u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim

nabavkama Bosne i Hercegovine, podzakonskim aktima, internim aktima i tenderskom dokumentacijom.

Izabrani ponuđač Shimadzu d.o.o. Sarajevo je izabran primjenom kriterija najniže cijene, koja je ponuđena u iznosu od 1.510,50 KM bez PDV-a, odnosno 1.767,29 sa PDV-om.

Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.


#### **POUKA O PRAVNOM LIJEKU**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### **Dostaviti:**

1. Ponuđačima,
  2. Komisiji za javne nabavke,
  3. Sektoru za finansijske poslove,
  4. web-stranica,
- 5/a/a.

**DIREKTOR**



Prim. nar ph. Nataša Grubiša, spec.

Akt sačinila: Nermina Pašić

Saglasan Načelnik sektora:

A handwritten signature in black ink, appearing to read 'Nermina Pašić', written over a horizontal line.

Veljka Mladenovića bb, 78000 Banja Luka  
Centrala: +387 51 456 040; 456 050  
Faks: +387 51 450 30  
E-mail: info@almbih.gov.ba  
[www.almbih.gov.ba](http://www.almbih.gov.ba)

Вељка Млађеновића бб, 78000 Бања Лука  
Централа: +387 51 456 040; 456 050  
Факс: +387 51 450 30  
E-mail: info@almbih.gov.ba  
[www.almbih.gov.ba](http://www.almbih.gov.ba)